

## الحلقة ) 40 ( .. #صرخات\_للغافلين .. د. حازم شومان

حازم شومان

السلام عليكم ورحمة الله وبركاته. الحمد لله وكفى وصلة وسلاما على عباده الذين اصطفى. اللهم لك الحمد كل ذلك الملك كله وبيك الخير كله واليكم يرجع الامر كله. اللهم لك الحمد كل ذلك الملك كله وبيك - 00:00:33

الخير كله وبيك الخير كله. واليكم يرجع الامر كله. اللهم صل على حبيب قلوبنا وعلى طبيب قلوبنا وعلى شفيعنا يوم العرض عليك محمد صلى الله عليه وسلم. في الاولين والآخرين وفي كل وقت وحين. اما بعد اخوانى وآخواتي في الله. النهاردة - 00:00:53 فضل ومنة الله سبحانه وتعالى مع اللقاء الرابع في تفسير سورة الطور في دورة صرخات للغافلين باذن الله سبحانه وتعالى. النهاردة مع اللقاء الرابع يا جماعة وهنبدأ مع ايات الجنة بقى. هنبدأ مع قول الله سبحانه وتعالى ان المتقين في جنات ونعميم. هنعيش بقلوبنا - 00:01:13

الليلة يا جماعة مع تاني اعظم نعيم في الجنة بعد النظر لوجه الله. نعيم الحياة الاجتماعية في الجنة. تاني في اعظم نعيم في الجنة بعد النظر لوجه الله. هنعيش الليلة بقلوبنا مع بروموم عن الجنة جاي يعني مباشرة من الجنة. بروموم يعني زي - 00:01:33 لخص كده او بعض اللقطات اللي تثير القلب وتثير الرغبة المهوولة لدخول الجنة القلب الحي لما يسمع ايات ربنا اللي في سورة التور عن الجنة هيذوب من الشوق للجنة. عشان كده اول وقفه هنقفها. النهاردة مع بعض يا جماعة واحنا بنتكلم عن الجنة - 00:01:53 هو احنا ما بنشتاقش للجنة ليه ؟ هو احنا لما بنسمع ربنا بيقول ان المتقين في جنات ونعميم فاكهين بما اتاهم ربهم ووقاهم ربهم عذاب الجحيم. كلوا واشربوا هنئا بما كنتم تعملون. ما بنشتاقش له. يعني لو ربنا لو الاية دي بنتكلم عن نادي من النوادي وبتوصف - 00:02:12

صافي النعيم اللي فيه مش قلوبنا هتتلهف عليه. لو الايات دي بنتكلم عن منتجع سياحي. والآيات بتوصف مدى الروعة بتاعة اصناف النعيم في المنتجع السياحي. قلوبنا بتتلهف عليه احنا هنتكلم الوقتي عن نعيم اعظم منتجع سياحي في العالم ما يجيشه واحد في الالاف منه ولا مستحيل يقرب منه اصلا. هنتكلم عن اصناف من النعيم - 00:02:32 يا جماعة باذن الله بس قلوبنا نسلمه للقرآن الليلة. نسلمه للليل بالآيات دي ونشوف القرآن هيعمل في قلوبنا ايه لو ربنا بيتكلم عن آآ يعني اي صنف من اصناف نعيم الدنيا كنا اشتقتنا. اشمعنى الايات بنتكلم عن الجنة ما بنشتاقش. لان الجنة لازم نموت عشان ندخلها - 00:02:52

احنا بنكره الموت. لان الجنة بعيدة. حلني الدنيا بين ايدينا الوقتي. فاحنا مستبعدينها. مستعجلين. عايزين الحاجة العاجلة حتى لو حقيقة. وال الحاجة اجلة حتى لو عزيمة لا. لان الجنة غيب. فاحنا مش شايفينها بعئيننا. عايزين النهاردة ننسف كل الحواجز دي. عايزين نجري بقلوبنا على الجنة يا جماعة. عايزين - 00:03:12

عايزين نعيش بقى مع تاني اعظم نعيم في الجنة بعد النزول وجه الله. ولكن فيه وقفه تانية مهمة جدا وهي هو ليه ربنا بيكلمنا عن الجنة؟ يعني ايات والقيمة المرة اللي فاتت ما خدتش جزء صغير من السورة. انما ايات الجنة حوالي صفحة. ربنا بيتكلم عن الجنة كثير في السورة هنا ليه ؟ لان ما ينفعش يجي - 00:03:32

ترهيب من غير ترغيب. لازم الداعي الى الله يبقى متوازن بين الترغيب والترهيب. ولان يا جماعة احنا في عام الحزن. فالقلوب تعبانة والناس تعبانة الصحابة تعبانين. فلازم نسمع كثير عن الجنة عشان نقدر نصبر على التضحيات اللي احنا بنقدمها في الايام دي لدين الله سبحانه وتعالى - 00:03:52

تعال. طب ليه ربنا بيتكلم عن الحياة الاجتماعية بالزات في الجنة؟ كان ممكنا ربنا بيتكلم عن النعيم المادي في الجنة. ليه الحياة الاجتماعية بالذات؟ نعيم الناس والبهجة والفرحة والشلة ليه؟ ليه كده؟ لأننا في عام الحزن في أكثر مرحلة فيها غربة اجتماعية عاشهها الصحابة. فوجه جزاء من جنس العمل - 00:04:12

انتم هتتحرموا من الحياة الاجتماعية والمجتمع هيتعتزلكم عشان دينكم! أنا هاديكم حياة اجتماعية لا يتخيلها انسان. لا لم تخطر على قلب بشر ابدا. زي ما الرسول عليه الصلوة والسلام قال طوبى للغرباء. طوبى دي شجرة في الفردوس الاعلى. اقضى لها مية سنة اكتر من مية سنة كمان - 00:04:32

اه لقينها نادي اجتماعي بيجتمع فيه اهل الفردوس الاعلى. يعني دي نادي هليوبولس او نادي الجزيرة او نادي الصيد بتاع اهل الفردوس الاعلى. بيجتمعوا تحتها طب الرسول قال طوبى لمن؟ للغرباء. اللي داقوا الغربة الاجتماعية في الدنيا عشان ينطلقوا الى الله. بياخدوا الحياة الاجتماعية الباهرة في الجنة - 00:04:52

جزاء من جنس العمل. ياللا نبدأ بقى ولكن برضو ما قبل ما ابدأ الایات يا جماعة انا عايز يعني نعيش انتم هتشوفوا الایات بقى الایات وهي على الشاشة بقى تعيشوا مع زاهرتين مذهلتين في الایات. ظاهرتين مذهلتين في - 00:05:12

الحياة الاجتماعية المذهلة والحب المذهل. قبل ما ابدأ اشرح الایات لازم نقف مع الظاهرتين دول. وربنا بيتكلم ان المتقين في جنات مش جنة. ونعميم فاكهين بما انا لهم ربهم ووقاهم عذاب الجحيم. ركزت وربنا بيقول الحقنا بهم ذريتهم - 00:05:28  
ركزتوا وربنا بيقول وزوجناهم بحور عينين. ركزت وربنا بيقول يتنازعون فيها كأسا. يطوف عليهم غلامان. اقبل بعضهم على بعض. ركز شوف الایات ديت هنقف الاول مع ظاهرتين مذهلتين في الایات. وبعد كده نبدأ ندخل في شرح الایات. الظاهرة المذهلة الاولى في الایات هي - 00:05:48

الحياة الاجتماعية المذهلة. ازاي؟ ان ان الجو مبهج او اي اخوانا. يعني بين المؤمنين وبعض. ربنا سبحانه وتعالى بيقول فاكهين قاعدين يدحوكوا جو بهجة جو شلة. ربنا بيقول متكين على سرر مصفوفة. قاعدين على عروش الملك جنب بعض. جو بهجة. يتنازعون فيها - 00:06:08

كأسة يتنازعون في جو لعب ومداعبة ومرح وده يجري ورا ده يخطف منه علبة العصير او كأس الخمر وده يقوم جاي وخطاف الكأس من جو بهجة وجو مرح يطوف عليهم غلامان كأنهم قاعدين في حلقة والغلمان قاعدين يطوفوا داير ما يدور. يبقى جو انس وجو حفلات وجو - 00:06:28

مرح يبقى الناس بالصحبة والاخوة والاحباب. الناس بالزوجة. وزوجناهم بحور عين. كمان مراتك. عشان كده ربنا قالش زوجناهم حورا عين. زوجناهم بي الباء هنا دماء مصاحبة. يعني دلت ان ديت زوجته اللي كانت في الدنيا اللي كانوا متصاحبين - 00:06:48  
في قيام الليل اللي كانوا متصاحبين في العبادة. اللي كان ممكنا ينزلم جولة هي توقف البنت تكلمها وهو يوقف الولد يكلمه. يدعو الى الله مع بعض كانوا متصاحبين في تربية اولادهم على الدين. انا ها حفظهم الجزء الثالثين وانت هتراجعيه لهم. انا ها حفظهم قرآن وانت هتشريحي لهم سيرة الرسول - 00:07:08

عليه الصلوة والسلام وامهات المؤمنين يبقى كانوا متصاحبين في الدنيا فيبيقوا متصاحبين في النعيم في الجنة. يبقى جو حياة اجتماعية مذهلة ولا اعظم منتجع سياحي في العالم. والله فيه شيء من الكلام - 00:07:28  
جامدة يا جماعة جو صحبة عزيز انسن الصحبة انسن الزوجة انسن الاولاد الحقنا بهم ذريتهم اولادك واحفادك واحفاد احفادك مبتهجين انس بالله يا جماعة. وامدناهم بفاكهة ولحم. يعني ربنا يبعث لهم اصناف من اللحوم والفواكه. ما هييش موجودة في الجنة اصلا. وهم قاعدين - 00:07:41

الحفلة الجميلة بتاعتهم اللي هنوصف فيها الوقتي بازن الله. فربنا يبعث لهم اصناف لم تخلق في الجنة مسلها اصلا. كأن ربنا بيقول لهم انا معكم. انا انا معكم في - 00:08:01  
انا معكم في حفلتكم. انا معكم في الجو الاجتماعي المبهر ده فيزداد الناس انس بالله. وبمعية الله سبحانه وتعالى. الملائكة كلوا

واشربوا هنئا بما كتمن تعملون. مين اللي بيقول الملايكة؟ يعني الحفلة مليانة ملايكة في الدنيا كنا بنصلی ومش شايفين الملايكة.

بنقوم الليل ومش شايفين - 00:08:11

الملايكة بندعوا الى الله ومش شايفين الملايكة بنجاحه في سبيل الله ومش شايفين الملايكة. انما النهاردة في الجنة الملايكة حوالينا شايفينهم. اللهم ارزقنا الفردوس الاعلى يا رب. اللهم لا تحرمنا من هذا النعيم بعد ان شوقتنا اليه. يا رب. يبقى انس بالله. انس الملايكة. انصب الصحبة - 00:08:31

انسب الزوجة انصب الاولاد كمان من ضمن الحياة الاجتماعية الخدم يطوف ويطوف عليهم غلمان آآ لهم كأنهم لؤلؤ مكنون يعني جو حياتك تبقى هي خدم بقى وخدم بقى مش اي حاجة ده لو مكنون جمال الجمال يعني. يعني اجمل من ملوك الدنيا وامراء الدنيا واميرات الدنيا وبيطوف هؤلاء - 00:08:51

الغلمان اللي كأنهم لؤلؤ مكنون يبقى اول ظاهرة مذهلة ظاهرة الحياة الاجتماعية المذهلة في الآيات. الظاهرة الثانية المذهله زاهدة الحب المزهله اللي في لان ممكن حياة اجتماعية ممكن آآ يعني يعني ممكن تحضر حفلة مسلا آآ لجو اجتماعي عالي وآآ بس ما تحسش ان الناس بتحب - 00:09:12

ما تحسش الناس مجتمعة بس ما فيش الحب. ما فيش العواطف الملتهبة بينهم وبين بعض. جو الحب المزهله. ازاي بقى يا اخواننا يعني جو الحب المزهله وزوجناهم بحور عين حب مراتك. كلمة حور اصلا يعني مؤمن ضمن الجذور اللغوية للحور. قال آآ حارا - 00:09:32

اي ماله مال ان قلبه مايل لك وانت قلبك مايل لها. يعني جو الحب العظيم يا جماعة مع الزوجة جو الحب العظيم مع الاولاد. واقبل بعضهم على بعض يتتساءلون هو واولاده احفاده وذراته. اقبل الاقبال ده ان قلبك سابق رجليك - 00:09:52

يبقى جو الحب حتى الخدم يطوف عليهم غلمان لهم. يعني كتير من الملوك لهم خدم بيخدموهم. وهم كارهينهم وكارهين عجرفتهم وكبرهم انما هنا يطوف رايج جاي رايج جاي بيخدمك بقلب. بيخدمك بحب. الملايكة كلوا واشربوا هنئا - 00:10:10  
بالهنا والشفا الكلمة اللي اللي والدتك بتقولها لك وانت بتتكللي بالهنا والشفا يا ابني. بالهنا والشفا. الملك كل واشربوا هنئا. يعني انت وسط جو حب رهيب من الملايكة وحب عظيم من زوجتك وزوجك وحب عظيم من ولادك وعيالتك وحب عظيم من - 00:10:30  
اللي بيخدموك حب الصحبة نفسها. الصحبة متكين على سرر مصفوفة قدام بعض. يعني حب عظيم. يعني الواحد لو مش بيحب واحد مش عايز يبقى في وشه مش عايز يبقى جنبه حب عظيم ما بين الصحبة وبعضاها حب من الله. امددناهم بفاكهة ولحم مما يشتهون. ربنا بيمتعنا - 00:10:50

ربنا بيعنهم. ربنا بيمتع بيجههم يا جماعة. يعني ناس حياتها مليانة حب. ارض الحب اللي هي الفردوس الفردوس الاعلى يبقى الظاهرتين المذهلتين اللي هم ظاهرة الحياة الاجتماعية المذهله وظاهرة الحب المزهله. ده دي كل اللي فات ده يا جماعة في الحلقة مقدمة لان احنا نعيش بقلوبنا مع - 00:11:10

روموم بتابع الجنة اللي جاي لنا من الفردوس الاعلى. عشان نشوف بقى يعني الآيات مش بتوصف منتجع سياحي ولا بتوصف نادي ترفيهي ولا بتوصف قصر من قصور الملوك والامراء. الآيات بتوصف اهل الفردوس الاعلى عايشين ازاي؟ يا رب شوقنا للجنة يا رب - 00:11:34

متعنا بالفردوس الاعلى يا رب. اللهم امين. نبدأ بقى رحلة متعة مع الآيات كده ناخذ اية اية. ان المتقين في جنات ونعميم. ان ان ايه اه السورة فيها اتنين ان ان عذاب ربك ل الواقع وان المتقين في جنة ونعميم. بعد الخامس اقسام اللي في اول السورة كأن ربنا بيقسم على ان عذاب ربك - 00:11:54

وان المتقين في جنة ونعميم. يعني ربنا بيؤكد ان النعيم ده هيحصل. ان المتقين المتقين دول اعلى المراتب. يعني اول المقامات المسلمين. الاعلى الاعلى المحسنين الاعلى المتقين. يعني الآيات دي بتتكلم عن الفردوس الاعلى مش النعيم العام للجنة. احسن واحد نايم على جنبه وقاعد الوقتي يبص - 00:12:14

كده وهو ماسك السيجارة بيطلها وحياته معاشي وليل ومعاuchi ونار معاuchi ويقول يا سلام ده الجنة والله لزيزة حبيبي ده الفردوس الاعلى الكلام ده له امل له تمن. مش كل واحد بيحب الطب بيبيقى دكتور. اللي بيحب مجموع طب. مش كل واحد بيحب الهندسة بيبيقى مهندس. اللي بيحب مجموع هندسة. مش كل واحد بيحب - 00:12:34

الفردوس الاعلى بيدخلها. اللي بيحب مجموع الفردوس الاعلى. مجموع الفردوس الاعلى ممكن دعوة. اللهم ارزقنا الفردوس الاعلى يا رب. دعوة ربنا يستجيبها. ولكن لازم ندفع التمن. ان المتقين في جنات. نعيم التنوع بقى ونعميم. طب في سورة الذاريات كانت في جنات وعيون ليه؟ لأن الذريات بتتكلم عن الرزق - 00:12:54

والعيون منابعها مش متشفافه انما السمرة النهائية بتاعتها متشفافه. فده فده مسل للرزق. ان الرزق انت ما انتش ما لكش دعوة اخوك هييجي منين هو هييجي هييجي. انت لك انه هييجي بس ما لكش دعوة طالع منين. فناسب هزا ايات الجنة مع الزاريات. انما هنا احنا بتتكلم عن البهجة بقى ونعميم - 00:13:14

اصناف النعم التي لا يوجد فيها منغصات. فاكهين بما اتاهم ربهم. اه. الايات بتوصف هنا حفلة اجتماعية في الجنة. حفلة بقى يا رب لو دخلنا الفردوس الاعلى انا هاعمل الحفلة دي معكم يا جماعة. ان شاء الله انا هاعزكم في القصر بتاعي ان شاء الله لو دخلنا الفردوس استاز ياسر بازن الله سبحانه وتعالى. واخوانا وكل - 00:13:34

اشتغلوا في فرق العمل بازن الله يا رب اللهم امين يا رب. مع الحبيب محمد عليه الصلاة والسلام يا رب. لو دخلنا الفردوس الاعلى يا جماعة بس نجتهد بقى ونضحي يا جماعة. ونضحي - 00:13:54

ونبیع الدنيا ونطلقها. وننطلق في الدين وفي الاخوة وفي الدعوة وفي العبادة. ونتربي عشان نقدر نمشي على الطريق. ونرتبط بالقرآن ونطلع عمرة يا جماعة الجنة لها تمن. خلونا ندفعه والله العظيم هنكتشف في الامر انها كانت سهلة قوي. واللي ما اجتهدهش - 00:14:04

اندم اللي كان مستصعب تمن الفردوس الاعلى هيندم. هيقول ده كان بمجهود مش كبير. كان ممكن انا لها. يلا يا اخوانا هعزمكم على الحفلة دي بازن الله ان شاء الله تفكروني في الجنة بازن الله. لو دخلنا الفردوس الاعلى يا رب اللهم امين. فاكهين بما اتاهم ربهم. زي ما في ايات القيامة قلنا دي اول لحظات - 00:14:24

اللي هو اول مرحلة في القيامة. وفي ايات النار قلنا دي اول لحظات النار. كذلك في الجنة دي حفلة الجنة بقى اللي ممكن نحملها على اول حفلة في الجنة. اول حفلة بقى حد مننا عازمنا في الايه؟ عازم الشلة بتاعتها في الجنة. فبداية المشهد - 00:14:44

الكاميرا جابت الاول المنذر زي ما بيعمل بقى المخرجين الشاطرين بقى والمصورين الشاطرين يقوم جايب لك المنذر من بعيد تلاقي المكان كبير وكله نعيم في نعيم وبعد كده يقوم عامل زوم ان اسمها زوم يا استاز ياسر يقوم عامل زوم ان على قصر واحد من القصور ديت تفاجأ بقى - 00:15:00

ان المشهد بيفتح شوفوا التصوير المهول في القرآن فاكهين بما اتاهم ربهم شلة قاعدة بقى فرحاين بقى ويضربوا كف بكف ها في الحفلة بتاعتهم فاكهين قمة الفكاهة والمرح اللي طالع من القلب. بما اتاهم ربهم ووقاهم ربهم عذاب الجحيم - 00:15:20

بما اتاهم ربهم السببية يعني بسبب اللي ربنا عمله لهم. ربنا فرهم. بما اتاهم ربهم يا جماعة كلمة غامضة. ولكن كل ايات الجنة وكل احاديس الجنة بتدخل تحتها. يعني فاكهين قاعدين بقى ينوعوا. شفتم الحور اللي ربنا اداهم لنا؟ شفتم القصور؟ شفتم الانهار؟ شفتم الاشجار؟ شفتم تفاح الجنة - 00:15:40

شفتم شفتم النزول وجه الله كانت قلوبنا مرفقة فيه ازاي؟ شفت صحبة الانبياء في الفردوس الاعلى؟ شفتم الاحجار الكريمة اللي احنا بندوس عليها بما ما للتعظيم بقى والتهويل بما اتاهم ربهم قاعدين يفتكروا الجنة ملحم ووقاهم ربهم عذاب الجحيم - 00:16:00

وبيفتكروا النار ملحم. طب هم شافوا النار فين؟ وهم معديين من على الصراط. شافوا النار والناس اللي بتتحرق في النار والسنن لعب النار. ومقامع النار بيحملوا ربنا برضه على صنف صنف من اصناف العذاب ربنا ينجهم منه. الحمد لله شفتم المقامع

فظيعة ازاي؟ شفتم عقارب النار وحياتها - 00:16:19

شفتم زنازين جهنم؟ شفتم لما بيطلعوا على اهل النار ويشفوفوا اهل النار بيتعزبوا قد ايه؟ بيشوفوا اصناف مروعة. فقاعددين بقى فرحانين وقاعددين في النعيم اللي هم فيه والعقاب اللي نجوا منه. وكمان ووقاهم دلالة ان الناس دي دخلت الجنة بلا حساب ولا عذاب. ان الناس دي دخلت الجنة ما اتعزبتش يا جماعة ففرحانين بده - 00:16:39

غير بانهم نجوا من النار واصنفوا انهم لم يمسهم العذاب بلا حساب ولا عذاب. طب ربنا الاول ذكر تفكهم وفرحتهم بالجنة ولا بالنجاة من النار؟ لأ بالجنة الاول بما اتهم ربهم في الجنة الاول وبعد كده بالنجاة من النار - 00:16:59

طب ليه رغم ان نجاة من النار المفروض انها اعظم؟ لأ. كان اهل الجنة حينما دخلوا الجنة علموا ان الحرمان من نعيم الجنة ان بعد ان رأوه عذاب اشد من عذاب النار. فحمدوا ربنا على الجنة قبل ما يحمدوا ربنا على النجاة من النار - 00:17:17

كلوا واشربوا هنئا. بعد كده الحفلة بقى الملائكة سمعت بالحفلة. قامت الملائكة جاية بقى باصناف الولائم وداخلة عليهم. كلوا واشربوا هنئا الهناة بحلم البشر كلهم. يعني ايه كل بالهنا؟ يعني ايه هنا يا جماعة؟ يعني ايه نفسى اتهنى؟ الهناة هو خلو - 00:17:37

الحياة من المنففات والمكدرات. ان انت ما فييش خبر وحش تسمعه. ما فييش حاجة مضايقاك. ما فييش حاجة شاغلة بالك وانت قاعد. ما فييش حاجة كده موتراك يبقى الهناة خلو الحياة من المنففات والمكدرات. فدي الحالة دي في الجنة بقى. شفتم حالة ال�ناة اللي الناس هتموت عليها دي في الجنة - 00:17:57

كلوا واشربوا هنئا بما انتاش خايف بقى تاكل ديك رومي وبعد كده تلاقي جالك بقى القولون اشتغل والقولون العصبي ولا عسر هضم ولا الحقوني من الحموضة يعني ما فييش مكدرات بدنية ولا مكدرات نفسية خالص. هنئا بما كنتم - 00:18:17  
الباء هنا باقي السبب. يعني ايه باقي السبب؟ يعني اللي انت فيه ده بسبب الطاعة. الطاعة هي السبب. ولكنها ليست السر. السر رحمة فانتم تتنعمون على قدر رحمة الله وليس على قدر عملكم. عشان كده الجنة دي تجلي من تجليات قدرة الله. الجنة دي مش مخلوقة على قد - 00:18:37

شغلك ده على ده تجلي لقدرة الله ولرحمة الله. متعنا بالجنة يا رب. متعنا بالجنة يا رب. متكئين على سرر مصفوفة. اه المنزرا الخوا  
بقي متكئين يعني قاعددين بشوات كده وملوك على سرر. كنت بشرح الاية دي لحد من اخوانى. لقيته فاكر ان السرر يعني السرير اللي بنام عليه سرير - 00:18:57

بمخدة ومرتبة ده. لا يا جماعة السرير في اللغة هو عرش الملك. السرير سرير الملك يعني عرش الملك. يعني متكئين على سرر يعني  
قاعددين على عروش الملك يعني الاخوة الغلابة والاخوات الغلبات اللي اللي يعني كان ممكن يعني بتتشيل من من ميزانية بيتها عشان  
تجيب الجوان - 00:19:17

الاسمر والشراب الاسمر عشان العفاف دول بقوا ملوك يا جماعة. دول بقوا ملوك. يعني يعني اوعى لما تدخل درس ديني تبص بقى  
للاخوة الفقراء لأ انا عايز اخ شيك غني مدر زي الشلة القديمة بتاعتي. يا ابني الغلابة المساكين دول هيبقوا بكرة ملوك الفردوس  
الاعلى هتمنى انك تتمحك فيهم - 00:19:37

على سرر عروش ملك مصفوفة بعض الناس يفكرون كده ويقول لك يعني انا هابقى ملك في الجنة؟ اه. طيب يعني هابقى ملك في  
الجنة برضو مش نعيم كبير. ليه؟ لأن في الدنيا انا ابقي ملك الناس كلهم - 00:19:57

الناس كلهم عاديين يعني. فلما ابقي ملك هبقي مميز. انما في الجنة بيقى الكل ملك. يعني الكل بقى هو المستوى العام اللييف ستاندرد  
في الجنة ومستوى الدخل في الجنة ان كل ملك. لا يا جماعة الجنة فيها نعيم تميز. اوعوا تفكروا ان الجنة كل الناس زي بعض فيها.  
الجنة فيها نعيم تميز رهيب. ما بين الناس - 00:20:11

بعض ما بين الناس وبعض ولكن الدنيا كانت تميز ابتلاء بدون اسباب ده طلع ابن مالك كده هو ما اشتغلش عشان يطلع ابن ملك انما  
في الجنة التميز بالاعمال الصالحة. فالجنة فيها تميز - 00:20:31

ابراهيم متكئين وده من اصناف نعيم الجنة. متكئين على سرر مصفوفة. وزوجناهم بحور عين. هنا آآ يعني آآ الجميلة قوي ان ربنا ذكر جلسة الاخوة قبل التزويج قبل الزواج لأن نعيم الاخوة في الله الز على القلب من نعيم الزواج - 00:20:41 من حورية من الحور العين. اي والله يا جماعة. لأن الاخوة في الله دي اتصال بالله اصلا. انا ما جبتكم غير عشان انت بتحب ربنا. فانا اساسا انما احب الله - 00:21:01

كأنها اتصالي بك ما هو الا اتصال بالله. سبحانه وتعالى انما الزواج ده نعيم جسدي. نعيم جسدي. فالاخوة اه عشان كده اتمسكون ببعض يا جماعة. اتمسكي ياخواتك. اتمسكي يعني انت ممكن بقى مستنية الزواج في الجنة - 00:21:11 وزوجي في الجنة يبقى شكله ايه وقوته ايه وجماله ايه وملكه ايه. يا بنتي الاخوة في الله. يا ابني الاخوة في الله اتمسكون ببعض يا جماعة. اشارة مهولة الاخوة دي يعني الاخوة مذكورة في ايات الجنة اهو. الاخوة من اصناف نعيم الجنة. بل زكرت قبل نعيم الحور العين ونعيم الزواج - 00:21:26

يعني حاجة عزيمة. يعني لا يوجد ملمح على وجه الارض من الجنة الا اختك الا اخوك. يبقى الاخوة دي المتعة الوحيدة من قطع الجنة اللي موجودة في الدنيا. المتعة الوحيدة التي اذن الله ان تتمتع بها من الجنة في الدنيا هي الاخوة في الله. ازاي ما ننزلش وقتنا ببعض - 00:21:45

ازاي ما نبوش ايدين بعض؟ ازاي ما نبوش راس بعض؟ ازاي ما نتكسرش لبعض ونرعن اخوتنا في الله اخواننا؟ فمتكئين على سنن مصفوفة وزوجناهم بحور عين. آآ زوجناهم بحور ايه؟ كلمة حور ديت يعني لما نيجي نبص في اللغة كده نلاقي حور ممكن من من حيرة العين - 00:22:05

والقلب امام جمال الملامح. يعني دلالة على شدة جمال ملامحها. شدة جمال ملامحها. هييجي لافتة دلوقتي على شدة جمال الزوج برضو. شدة الحاجة تانية الحور شدة البياض. شدة بياض لونها. شدة بياض لونها. الحاجة الثالثة اه حور العين شدة بياض النني - 00:22:25

مع شدة السوق شدة بياض العين مع شدة سواد النني. يبقى شدة جمال العين. والحور من الميل معنی الميل. يعني شدة العواطف اللي في قلبها ناحيتك. يعني عظمة جمال ملامحها. وعظمة جمال لونها وعظمة جمال عينيها. وعظمة جمال مشاعرها في كلمة واحدة من تلات حب - 00:22:45

الله اكبر. الله اكبر. وزوجناهم بحور عين. طب ما جمال العين ضمن وصف الحور. ليه خص بعد عموم لفظ حور؟ لأن دي لغة المشاعر والعين دي اكتر حاجة بتشد الواحد اللي قدامه. العين دي حاجة جميلة او فخص شدة جمال العين. لأن العين دي - 00:23:05 يعني اجمل ملمح في الانسان والذين امنوا واتبعتهم ذريتهم بامان الحقنا بهم ذريتهم. وما التناهم من عملهم من شيء. ان الانسان اللي اللي امن واجتهد على تربية اولاده اجتهاد شديد. فطلع اولاده يعني متدينين ولكن اقل منه في العمل. فهم يستاهلو اصحاب اليمين - 00:23:25

وهو دخل في الفردوس الاعلى. الحقنا بهم ذريتهم. ربنا يلحق الذرية بهم وفي قراءة الحقنا بهم ذرياتهم. يعني ولادهم واحفادهم احفاد احفادهم احفاد احفادهم يعني الحق بهم العيلة كاملة اجتمعت الاسرة في الجنة وما التناهم من عملهم من شيء. يعني ايه وما التناهم - 00:23:47

الله في اللغة لها يعني يعني في الجذور اللغوية بتاعتتها فيها معنی النقص. وما التناهم ما انقصناهم من عملهم من شيء. يعني يا اب مش معنی ان انا اطلع ابنك في الفردوس الاعلى ان انا هاخد من حسناتك وادي له فيطلع. لا انت مش هتنقص حاجة. انت زي ما انت في المقام العالي وابنك هو اللي هيطلع - 00:24:07

وما التناهم برضو؟ الات آآ فيها جزر الشد الشدة او الشدة؟ يعني ما التناهم مش هنند عليك في الحساب. لو ربنا شد في الحساب على اعظم الصالحين. اه وفتش في سوءات اعمالهم لزهبت اعمالهم اصلا. يعني الحساب اليسيير الجميل. ما تخافوش يا جماعة. الحساب - 00:24:27

اليسير الجميل. ما التناهم برضو من معنى آآ جزور الالتا الرد. يعني ما رددناهم. يعني آآ يعني انتم عارفين يا جماعة لما واحد عشمان في واحد فرایح كده عشمان بقى انه يدي له فيرد يقول له امشي من هنا لا مش هنرد عشم. هؤلاء الاباء الصالحين في رحمتي. مش هرد عشانهم فهحافظ لهم على حسناتهم - 00:24:47

وديهم ولادهم معى. بقى ما التناهم ما انقصناهم من عملهم من شيء. ما التناهم ما رددناهم ما كسفناهمش. ما ما خيبناش رجاؤهم في حناننا ورحمتنا ما التناهم ما شدنا عليهم في الحساب بل حاسيناهم حسابا يسيرا. وما التناهم من عملهم من شيء مطلقا. كل امرى - 00:25:07

بما كسب رهين. يعني ايه كل امرى بما كسب رهين؟ اه ده احتراز بقى. ان الوقتي دول اه ذرية مش يعني يعني مش بنفس درجة الاباء ولكن ذرية صالحة. طب لو الزرية فاسدة؟ برضو يا رب تدخلهم الفردوس الاعلى مع اباهم؟ لا. ليه؟ كل امرى بما كسب رهين. كل امرء - 00:25:27

بما كسب آآ رهين. احنا كده بقى لنا ايه تلت ساعة يا جماعة ولا بقى لنا قد ايه؟ كل امرء بما كسب رهين يعني ايه يا اخوانى؟ يعني رهين يا اما من الراهينة يعني المحبوس كل امرى محبوس بعمله لا تزول قدم عبد حتى يسأل عن - 00:25:47  
محبوس مش هيتفك مش هيتفك غير عمله. ايه العمل اللي هييفك قدمك يوم القيمة؟ بقى الابن الفاسد مش هيدخل الجنة مع ابوه. يا اما من الرهان اي المسابقة والمخاطر. يعني كل واحد داخل مخاطرة يوم القيمة بمركب العمل الصالح. ايه مركب العمل الصالح اللي انت هتركيبيه - 00:26:06

عشان تنجي يوم القيمة كل امرى بما كسب رهين. وامددناهم بفاكهة ولحم مما يشتهون امددناهم مدد بقى ربنا سبحانه وتعالى في هذه الحفلة المبهجة اللي الاولاد فيها والزوجة فيها والاصحاب فيها والملائكة فيها ربنا كمان - 00:26:26  
ابعدت لهم اصناف من الفواكه واللحوم لم يخلق مسلها في الجنة. عشان يمتعهم الفاكهة قبل اللحم. لأن اهل الجنة ما بياكلوش اللحمة عن جوع. وانما عن تفكه كده لما قال لك هو فيه نوم في الجنة؟ فمن اجمل الاقوال قالوا النوم اللي على سبيل الراحة بعد الاجهاد والتعب وعايز اريح ليس بموجود. انما نوم التلذز - 00:26:46

تنعم بقى ده اللي ممكن بقى موجود في الجنة. وامددناهم بفاكهة نكهة للتعظيم ولحم نكهة للتعظيم. مما يشتهون يتنازعون فيها كأسا لا لغو فيها ولا تأثير يتنازعون فيها كأسا لا لغو فيها ولا تأثير - 00:27:06  
يتنازعون يا جماعة لفز غريب جدا كثير من المفسرين وقف قدامه قال يعني ايه يتنازعون فقالوا حاجة من اتنين يا اما يتنازعون من المجادلة والمداعنة انتم عارفين كل واحد بقى - 00:27:41

ده يخطف حته اللحمة من ده. يوم ده يخطفها منه. يقوم الثالث يخطفها منه. يا عم طب ما اللحمة كتير والشرب كتير والعصير كتير والنعيم كتير. جو البهجة فرح يا اخوانا جو البرح جو الجو الجو ده مش موجود في الدنيا. ما فيش لفظ ولا حرف واحد في الآيات اللي احنا بنقولها ديت. موجود زيه في الدنيا - 00:27:51

يتنازعون يتنازعون جذب المضارع عشان استحضار المشهد كأنك تبصي كده وتسريحي ايه الجمال ده! ايه المنظر المبهج ده! لو جبت لك تصوير بث مسلا من نادي من النوادي والشباب قاعدين يجرروا ورا بعض ويضحكوا وده يخطفها ويجربي ويضحك وكلهم يقوموا نايمين في الارض من الضحك. هتقول ياه انا عايز اروح النادي - 00:28:11

ايه ده! يا ريتني كنت جزء من المشهد اللي انا شايفه قلوبنا ما بتتأسرش ليه يا جماعة؟ قلوبنا ما بتتخلاش ليه يا جماعة؟ ما بنعاهدش ربنا على ان احنا هنعيش عشان - 00:28:31

نوصل لده ليه؟ يا جماعة اللهم ارزقنا الفردوس الاعلى مع الحبيب محمد يا رب. يتنازعون المعنى الثاني بقى قال لك التنازع آآ يعني تطوع يعني ايه؟ اللي هو يعطون كؤوس الخمر لبعضهما البعض. يعني ده معنى تاني خالص بقى غير معنى البهجة والفرح معنى الاخوة والايثار - 00:28:41

ان هو قدامه كأس خمرة عاجبه او ي يقوم يديه لاخوه. فيناولون بعضهم البعض اصناف النعيم. بقى يا اما معنى الاخوة والايثار يا اما

معنى وان كان الجنة كل حاجة فيها وفرة. يا اما معنى البهجة والفرح. يتنازعون فيها كأسا - 00:29:01

هو ايه كلمة فيها دي يا جماعة؟ يعني ايه كلمة فيها؟ يعني ما يتنازعون كأسا وخلاص. فيها دي انت عارف مسلا لما اروح امريكا اقوم اقول لك ايه؟ امريكا في امريكا بقى المواصلات شكلها - 00:29:20

في امريكا البدل كذا في امريكا نظام الحياة كذا. انا بشووك بشووك. يتنازعون فيها كلمة فيها دي بتنقوم واحدة قلبك من صدرك كده حطاه في الجنة بقى يتنازعون فيها كأسا نكرة للتعظيم مش اي كأس. ده ده ربنا يعني ده ده ده يا ترى يا جماعة الجاليري بتاع الجنة شكله ايه - 00:29:30

التحف والانتيكات بتاعة الجنة انا لي واحد صاحبي عنده محل جاليري كبير جدا. لما بادخل فيه بتوجه هو البشر عملوا كل ده عشان تحفوا انتيكات! امال الجنة بقى يتنازعون فيها - 00:29:50

كأسا لا لغو فيها ولا تأثير، الى لغو فيها. من اجمل معاني اللغو. آآ الشيء الذي لا خير فيه. الشيء الذي لا فائدة فيه فالناس دي كانت في الدنيا ناس هدفية جدا. كل اقوالها لها هدف. كل افعالها لها هدف. ناس كانت حياتها فيها جدية. ها آآ عكس بقى الذين هم في - 00:30:00

فيغدوا حياة في الجنة بدون اي حاجة تعطلهم عن النعيم. اي حاجة تعطلهم عن هدف النعيم وهدف ذكر الله والحياة مع الله لا لغو فيها ولا تأثير ويطوف عليهم غلمان لهم لأنهم لؤلؤ مكونون. يطوف يا جماعة حاجة من اتنين. يا اما هم قاعدين في حلقة بيضحكوا فالغلمان قاعدين يطوفوا حوالיהם - 00:30:20

يصحوا واحد واحد يا اما يطوف رايحين جايدين رايدين الاية دي دايما افتكرها لما نروح الكعبة. مع الطواف ان احنا بنطوف في عبادة ربنا في الدنيا فجزء من انس العمل ربنا يدينا اللي يطوفه علينا بالنعيم في الجنة. ويطوف عليهم غلمان لهم دول لهم في الجنة. الغلبان دول يا جماعة خدم - 00:30:42

مخلوقين في الجنة يعني زي الحور العين بالزبط. صنف من اصناف النعيم مخلوق من الجنة. في الجنة عشان يخدمهم. طب هم دول زي صورة الانسان يطوف عليهم ولدان لهم. آآ اذا رأيتم حسبتهم ايه؟ لؤلؤا منثروا. ولدان - 00:31:02

بدون اقصد اذا رأيتم حسبتهم لؤلؤا منثروا. ايه الفرق بين الغلمان والولدان؟ بعض المفسرين قال الولدان المخلدون دول اولاد المسلمين اللي ماتوا وهم اطفال فربنا سبحانه وتعالى يحييهم مع اهاليهم بقى وهم اطفال في الجنة. ها يفضلوا اطفال في الجنة. في نفس المرحلة ديت ويبيقوا بقى ايه؟ من اصناف النعيم العظيم - 00:31:22

اهاليهم في الجنة ده قول من الاقوال. عشان كده ربنا مع الغلمان اللي هم اللي مخلوقين في الجنة صرف نعيم. قال لؤلؤ مكونون. ليه؟ لان هم زي الحور المقصورات في الخيام لان هم - 00:31:42

لطفي النعيم بيفضل في القصر بتاع سيده. انما الولدان لان هم بشر فلهم ملك ونعم دلول ملوك في الجنة برضو. ها يطوف عليهم ولدان ولا دول بس يحبوا اهاليهم فقاعدين يطوفوا على اهاليهم. انما هم برضه ملوك في الجنة ومتنعمين. مش فيه في الدنيا كان ملوك وهم اطفال! ابوه مات وبقى وهو عنده عشر سنين وانتاشر سنة - 00:31:52

ملك من ملوك الدنيا اه فالثانية يطوف عليهم ولدان مخلدون اذا رأيتم حسبتهم لؤلؤا ايه؟ منثروا. مش لؤلؤ مكونون هنا في مكانه منصورة لانهم برضه بيمرحوا في الجنة وبيتنعموا ويسبحوا في انها رها. ولهم اصناف نعيم مهولة في الجنة. يبيقى فهمتم يا اخوانى بقى الفرق الممتع - 00:32:12

ما بين كل اية شبه الثانية في القرآن. طب الوقت غلمان ولا دول الخدم؟ لأنهم لؤلؤ مكونون. يعني الخادم بأنه لؤلؤة من جماله وبياضه وسناؤه وروعته. ازا كان هذا جمال الخادم فكيف بجمال المخلوق - 00:32:32

اذا كان ده الخادم، اومال المخدوم جماله شكله ايه؟ عشان كده قلت لكم من شوية ان احنا بنو صفات جمال الزوجة في الجنة حور عين. فالوقت بنو صفات جمال الزوج في الجنة. ان اتنين في قمة الجمال. والاثنين قاعدين مع بعض بقى في قاعدة كده على نهر الكوثر - 00:32:52

ضيافة النبي عليه الصلاة والسلام بيسربوا مع بعض ويتكلموا مع بعض ويحضروا مع بعض. ويقولوا لبعض كلام حب وكلام مشاعر ويذكروا الله مع بعض. ايه النعيم ده وايه البهجة ديت ؟ ندخل بقى في خاتمة ايات الجنة. لما زهلو بقى حفلة الاجتماعية. شفتم يا جماعة بتتطور ازاي ؟ الاول كانوا اصحاب في الحفلة الاجتماعية. بعد كده - 00:33:12

الملايكة جات لهم. بعد كده كل واحد دخلت عليه مراته بقى. هو هو عاد الاختلاط في الجنة يا جماعة الاختلاط في الدنيا محرم لأن القلوب مريضة. انا مش هطبع في مراتك في الجنة ولا هبص لها اصلا - 00:33:32

وانش مش هتبص لمراتي في الجنة. فالاختلاط في الجنة مش حرام لأن القلوب عادت سليمة. لا عادت الخمر حرام لأنها مش هتذهب العقل. ولا الحرير حرام لأن خلاص ما عدناش في الدنيا. ولا الاختلاط حرام لأن كانت القلوب مريضة. ولا المعازف حرام لأنها كانت بتشغل عن القرآن. في الجنة كل ده بقى حلال. كل ده نصبر في الدنيا - 00:33:42

وناخده في الجنة. وناخده بعد كده في الجنة. فلما فبعد كده جه زوجاتهم دخلوا في الحفلة. بقت حفلة تحفة. مزهله. بعد كده ولادهم في الحفلة. بقت حفلة اجتماعية ثانية اخوية ملائكة بعد كده كمان ربنا بعث لهم بقى الايه المدد في الحفلة. بعد كده قام جاي الخدم بقى باصناف تانية كمان في الحفلة ايه ده يا جماعة - 00:34:02

ايه الحفلة الاجتماعية المذهلة دى ؟ فهو في وسط الحفلة يقوموا سايبين الاكل وسايبين الشرب وسايبين كل حاجة. ليه ؟ ايه ده ؟ احنا عملنا ايه ؟ عشان ناخد كل ده واقبل بعضهم على بعض يتسائلون. دي بقى ايات عايزه وقفه بقى. الایات اللي بتتصور لحظة المذهول من النعيم. هو ايه يا رب اللي - 00:34:22

احنا عملنا عشان ناخد كل ده عشان ناخد الحب ده والحياة الاجتماعية دى والنعيم المادي ده واقبل بعضهم على بعض واقبل بعضهم على بعض يتسائلون. اقبل دي فيها فرحة. وفيها بقى - 00:34:42

زي يا موسى اقبل تعالى بقلبك ما تخافش. واقبل بعضهم على بعض الكل مذهول يتسائلون. التساؤل ان اللي بيسأل مش عارف الاجابة. واللي بيتسأل مش عارف الاجابة بيسأل نفسه ليه ؟ دول الاولاد والاحفاد والاباء دول ناس من عصور مختلفة وقارات مختلفة وجنسيات مختلفة. الكل بادى يتعارف على - 00:35:12

بقى هو فيه ايه ؟ هو احنا عملنا ايه ؟ هو انت عملتم ايه ؟ هو ايه اللي جابكم هنا ؟ واقبل بعضهم على بعض يتسائلون. مذهولين بقى شغلو عن النعيم بالتساؤل هو ايه ربنا ادانا كل ده ليه ؟ قالوا انا كنا قبلوا في اهلنا مشفقين. انا كنا - 00:35:32

فقبلوا في يعني ايه مشفقين يا جماعة ؟ الاشفاق من الشفق. عارفين الشفق اللي في السماء ؟ طب وسمي الاشفاق من الشفق ليه ؟ لأن الشفق رقيق جدا رقيق يعني حاجة حاجة الوان رقيقة. فالشفقة رقة القلب. ان الانسان كل ما يفتكرا حاجة يبكي. طب يعني ايه ايه الاشفاق ؟ الاشفاق هو التفكير - 00:35:52

في العواقب ان الانسان يقعد مع نفسه كده. طب لو انا لو انا ذنبي ما اتغفرتش اعمل ايه ؟ طب لو انا لقيت يوم القيمة بيتعقال لي انت داخل النار. طب اعمل ايه - 00:36:12

طب لو انا في حساب الملkin ما عرفتش اسبت واقول ربى الله والعياذ بالله. اعمل ايه ؟ طب آآ طب هو الوقتي يعني انسان قاعد يتذكر في العواقب طب طب لو الطاعة بتاعتي ما اتقبلتش اعمل ايه ؟ قاعد يفكر بقى مع رقة القلب فيقعد يبكي بقى اهو ده الاشفاق. انا كنا قبل في اهلنا مشفقين مشفقين - 00:36:22

طين من ايه من اربع حاجات يا اما مشفقين من الا تتقبل الطاعة. خايفين على الطاعات احسن ما تتقبلش. اتنين مشفقين من الا بالله علينا من المعااصي احسن معصينا ما تتغفرش. ولو ذنب واحد ما اتغفرش هنروح في داهية. يا اما مشفقين على الناس. الناس اللي ماشية بتعصي ربنا دي هتعمل ايه - 00:36:42

الكافر اللي لو ماتوا على الكفر دول هيروحوا جهنم هيعلموا ايه ؟ يا اما اربعة مشفقين على اولادنا وزوجاتنا مشفقين لو لو ما فهموش لو ما قاموش الليل لو ما بقوش متدينين بجد وبعدين هيواجهوا العذاب ازاي هيواجهوا العقوبة ازاي ؟ يبقى مشفقين ناس خايفه - 00:37:02

بس مشفقين يا جماعة كلمة فيها عمل. يعني الانسان الخايف ده بيتبعد الخوف بالعمل. يعني الناس دي علمت اسرها الخوف من الله باعمالهم مش اقوالهم. الناس دي علمت اسرها بالعمل وليس بالقول الاتجاه للدار الاخرة. قالوا انا كنا كان قبله من زمان -

00:37:23

يعني خلاص كل حاجة انتهت ولم يبق الا النعيم. ولم يبقى الا العمل الصالح. فيه اهلانا ما سبناش اهلانا كنا وسطهم. يبقى التدين التدين مش معناه رمي المسؤولية. فيه اخوة كتير جدا باسم التدين مش عايز يستغل. بسم التدين رامي مراته. بسم التدين رامي ولاده. التدين مش رامي المسؤولية. التدين هو تحمل -

00:37:43

المسؤولية. هو تحمل المسؤولية. انا كنا قبلوا في اهلانا مشفقين. فجازانا الله على اشفاقنا ووكانا عذاب السموم. لأن من الله علينا. يعني ذكروا العمل اللي كانوا بيعملوه. وبعد العمل لم تتعلق قلوبهم بالعمل. فلم يقولوا فجازانا الله على -

00:38:03

وانما فمن الله علينا. فذكروا العمل لأن لازم عمل. ولكن بعدها قالوا اللي احنا فينا محض منا من الله. فهي رحمة ربنا اللي دخلتنا. شوفوا يا جماعة الفهم العميق. فاهمين قيمة العمل. وفي نفس الوقت قلوبهم غير معلقة به. وانما معلقة برحمة الله. فمن الله عليه -

00:38:23

ووكانا عذاب السموم. ووكانا عذاب السموم. وما لقوش عذاب السموم. بس شافوا اللي داقه شافوه. عشان كده يا اخواننا يعني سبحان الله العظيم ربنا واصف قبلها في ايات النار الرحالة للنار. يعني يعني الرحالة للنار. الرحالة -

00:38:43

ليه؟ لأن اهل الجنة من ضمن نعيمهم انهم يروا اهل النار وهم يقتدوا الى النار. آآ عشان كده هو فاهم عذاب النار هو فاهم عذاب النار منين؟ وهو بيعدي من على الصراط -

00:39:01

شاف النار تحته. ماشي بس دي برضه مش كافية ان هو لأن الناس دي بتعدي كالبرق. يعني الناس دي بتعدي بسرعة. الحاجة الثانية انه لما بينظر منافذة من الجنة اتكلم مع اهل النار زي في سورة الاعراف وزي في سورة الصافات ها هل انت مطلعون ها وزي في سورة المطففين آآ آه على الارائك ينظرون هل ثوب الكفار -

00:39:11

يبقى ازا الناس دي بتشفو عذاب النار. الحاجة الثالثة يا جماعة ان الناس دي شافت المعدبين وهم بيقتدوا الى النار. فمن ثم اصناف نعيم الجنة ان يروا اللي خدها لعنة وهو بيقتدوا الى النار بيعذب ازاي؟ يعني ربنا ما ساهمش -

00:39:31

حرمه من انهم يشوفوا الثانيين وهم بيقتدوا الى النار. فمعنى عجيب جدا عشان كده الناس دي فقهاء في النار. فاهمين؟ ووكانا عذاب السموم. وقانا الملايكه ما دعتناش. الملايكه ما صلتناش. ما اترماش في توايبيت منفردة في جهنم. والعياذ بالله. ووكانا عذاب السموم. لما -

00:39:51

قارن ما بين ايات النار وبين ايات الجنة نلاقي ان ان ايات النار وایات الجنة يا جماعة وحدة واحدة بالظبط. يعني ايات الجنة اهل الجنة معمول لهم حفلة. ايات اهل النار معمول عليهم حفلة بالمعنى بتاعنا كده. معمول عليهم حفلة يتجرجروا قدام الناس. اه وبعد كده يقفوا اه برضه قدام الناس. على شفير -

00:40:11

جهنم وبعد كده يتربق عليهم ويسخر منهم قدام الناس وبعد كده يتربقوا واحد واحد زي كياس الزبالة قدام الناس ها يعني ويتنقل لهم كلمات الاحتقار والمعنوي قدام الناس فمعمول عليهم حفلة معمول عليهم حفلة يعني واحد بيهزق واحد قدام الناس قدام الناس وفيه جمهور متفرجين فيسموه عامل عليه حفلة واحدين بالكم من -

00:40:34

كلمة يعني مصطلح يعني. فشوفوا دول بيكرموا ازاي ودول بيهانوا قدام اهل الجنة ازاي؟ الترابط العظيم اللي بين ايات الجنة وایات النار ان ايات النار الرحالة للنار. مش جوة النار. ايات الجنة جابت النعيم اللي جوة الجنة. كان ايات النار جزء من نعيم الجنة وایات -

00:40:54

الجنة جزء من عذاب النار. ازاي بقى لأن اهل الجنة ايات الجنة بادئه من اول يوم يدعون الى نار جهنم. ازاي؟ ازاي بادئه من اولها؟ ان اهل الجنة قبل ما يدخلوا الجنة -

00:41:14

Creedوا يتفرجوا على اهل النار وهم بيقتدوا للنار وبيدافعوا عن الجنة بيدعون عن الجنة يطرد عن الجنة قعدوا يتفرجوا عليهم وبعد

00:41:27 كده دخلوا يتنعموا في شفي غلهم من الظالمين اللي كانوا بيحاربوا الدين. فايات النار كأنها جزء من نعيم الجنة -

وايات الجنة كأنها جزء من عذاب النار. ازاي ؟ ده قول بعض المفسرين يقول لك ان المتقين في جنة ونعيم ده المخاطب هنا هو اهل النار ان بعد ما اضربوا في النار وقادوا حرها يقوم ربنا يقول لهم بقى استنوا اما اقول لكم بقى اهل الجنة بيتنعموا ازاي ؟ فكل الوصف نعيم اهل الجنة - 00:41:45

يبنزل زي المكواة زي مكواة جهنمية على قلوب اهل النار وهم يعذبون. فهذا من اعجاز القرآن يا اخواننا ان ايات النار جزء من عذاب الجنة جزء من نعيم الجنة. وايات الجنة جزء من عذاب النار. وكل ده بسبب السياق العجيب. بسبب هزا السياق العجيب - 00:42:05

فمن الله علينا ووقانا عذاب السموم. السموم آآ جاية من من تخلل مسام الجسد. ريح النار التي تتخلل نسمى الجسد والعياذ بالله. ووقانا عذاب السموم. انا كنا من قبل ندعوه انه هو البر الرحيم. انا كنا من - 00:42:25

قبلوا ندعوه آآ مضارع يفيد الاستمرار. يعني احنا كنا في الدنيا على طول يا رب نصحي قبل الفجر يا رب نجيينا من النار يا رب وارزقنا الجنة. على طول ما بين الاذان والاقامة. يا رب نجتنا من النار وارزقنا الجنة. كأن اهل الجنة لما - 00:42:46 دخلوا الجنة قالوا ان السبب في دخولنا الجنة لو كان في عمل هو اللي دخلنا الجنة هو الدعاء. العمل الوحيد اللي احنا نقدر نقول انه السبب في دخولنا الجنة هو الدعاء. شفتم خطورة الدعاء يا جماعة؟ يعني اهل الجنة بيقولوا من جوة الجنة احنا دخلنا الجنة بالدعاء. انه هو البر الرحيم. البر المرة الوحيدة - 00:43:06

اللي ذكر فيها اسم الله البر في القرآن في سورة الطور. المرة الوحيدة اللي ذكر فيها واسم الله البر ده من الاسماء العظيمة. من معاني البر زي البر بتاع البحر اللي هو الامان بعد البحر المتلاطم الامواج المرعب. جينا في الايه؟ جينا في الامان. اهجنا للامان. فانك - 00:43:26

كل ما بتقربي من ربنا انت بتقربي من الامان. بتقربي من النجاة. ومن معاني البر اللي بيبر دعائك فلا يسقط لك دعوه. بيستجيب له كل الدعاء. ومن معاني البر اللي بيبر عبادتك فلا يضيع عليك حسنة واحدة في سجدة واحدة عملتيها. ومن معاني البر اللي بيبر وعوده اللي ولا وعد وعدنا به - 00:43:46

الا وهيديه لنا. ومن معاني البر اللي بيغمر عباده بالاحسان الفائض وبيؤنسهم باحبابهم. وهو ده اللي حصل في الجنة. لما دخلوا الجنة اشمعنى جابوا اسم الله البر لانهم وصلوا للنجاة بعد بعد رعب يوم القيمة. ولانهم لقوا ان كل عمل عملوه ربنا اداهم سوابه في الجنة بره عبادته - 00:44:06

ولقوا ان كل دعوه دعواها لربنا ربنا اداهم استجابتها. فبر دعاءهم وكل وعد ربنا بعثه لهم لو قطعوه اداه لهم في الجنة. فبر وعود ولان ربنا غمرهم بالجو الاجتماعي. فغمراهم بالانسان والاحسان العظيم. عشان كده اسم الله البر هنا اسم خطير. في درس آآ يعني - 00:44:26

اواعى على النت لو كتبتوه على جوجل اديته مرة اسمه المعاني العشر لاسم الله البر. يعني فيها معاني مهولة لهذا الاسم العظيم. انه هو البر الرحيم طب وليه الرحيم جت بعد البر؟ لان النصارى بيقول لك ان لازم لازم نبقى ابرار. يعني لازم نبقى اطهار. بس ما ينفعش يبقى - 00:44:46

كبر بالعمل. قال لك الانسان لو قعد يصوم كل يوم ويقوم الليل كل ليلة برضه مش مش هيظهر. ليه؟ الانسان نجس. هو ده كلامهم. الانسان نجس مهما عمل. مهما عمل ومهما عمل - 00:45:07

طب والحل ايه؟ حل ان ربنا ينزل يتدبج بس هو ده الطريق الوحيد ان الانسان يبر. فبر ما فيش فيه رحمة. يعني بر ما فيش فيه رحمة. انما عندنا في الدين بر ربنا بنا لو عملنا الاعمال الصالحة ربنا يطهرنا بسببها. ويزكي نفوسنا بسببها. فبر فيه رحمة. ربنا رحمنا. طهرنا - 00:45:17

سبحانه وتعالى مش بالام. انا كنا من قبل ندعوه انه هو البر الرحيم. العلاقة بين كلمة ندعوه وكلمة البر ان ربنا بار الدعاء بتاعنا في

قراءة في الآيات دي يا جماعة انه هو البر الرحيم. يعني كنا بندعوه لما لقينا في الدنيا انه بدر - 00:45:37  
رحيم فقلنا هببر دعائنا لما ندعوه بالجنة فدعناه بالجنة ونجاه من النار. فربنا بار دعائنا. يعني كل نجاتهم بسبب انهم عرفوا اسمين من اسباب انهم عرفوا اسم الله البر واسم الله الرحيم. فلما عرفوهم وشافوا بر الله ورحمته رفعوا ايديهم ودعوا فلما دعوا استجيب لهم. فدخلوا - 00:45:57

والجنة بسبب اسمين من اسماء الله الحسني. يا اللي مقصرين في التعرف على اسماء الله الحسني. يا اللي لما قلت لكم الوقتي اسمعوا درس المعاني العشر اللي اسم الله البر. قلتم احنا قادرين - 00:46:17  
كوييس ان احنا بنسمع التفسير وخلاص. ومكسلين. تسمعوا دروس اسماء الله الحسني. اسمين بس من اسماء الله الحسني. ربنا انقدر بهم المصير بتاعهم ايات عظيمة او ي يا جماعة. وايات جميلة قوي وايات مبهرة يا جماعة. واحنا حلقة الليلة واحنا عايشين مع ايات الجنة - 00:46:27

اللي انا قلبي مش جايبني ان انا اسيبها. يعني يعني احنا خلاص لسانا الوقت دقائق بازن الله سبحانه وتعالى وتخلاص الحلقة يعني المفروض ان احنا بقى نخرج من الرحالة المهولة ديت في سورة الطور. قلوبنا عاشت مع قدرة الله في مقدمة الصورة. بعد كده عاشت مع يوم القيمة - 00:46:47

المور والسير والويل وبعد كده عاشت مع النار والاقتیاد والصلی والشوي والعياذ بالله والرحالة المرعبة بتاعة النار اه اللي كانت تحت اعین اهل الجنة وهم بيترجوا عليها. وبعد كده اهل الجنة بقى شافوا اهل النار وهم بيتطروا من على الجنة وبعد كده اتفتحت لهم الجنة دخلوا - 00:47:08

النعم المهول العظيم اللي قلوبنا يعني قلوبنا في السما الوقتي واحنا قاعدين نتكلم عنه ونسمعه من كتر ما الالفاظ والله العظيم يا جماعة. والله العظيم انا حاسس ان الفاز بتنطق. انا حاسس ان الحروف بتنطق. انا حاسس ان ترتيب الآيات بيننطق. انا حاسس اني يعني فعلا نعيم - 00:47:28

يا رب ما تحرمناش منه بعد ما شوقتنا اليه. يا رب العالمين. وندخل الوقتي بقى ان شاء الله بازن الله. يعني الحلقة الجاية هنبدأ من اول ذكر فما انت ربك بكافه ولا مجنون هندخل الوقتي بازن الله نتكلم على الانفوجراف اللي هنلخص فيه الحلقة عشان نستوعب المعاني كوييس. ما يبقاش كلام بنقوله وخلاص لأ - 00:47:48

ده احنا بنلخص وبنرتب زهتنا عشان يبقى مش كلام واطي. لأ ده احنا بنأخذ الكلام وبنحفزه وبنفهمه وبنزاكره وبنمتحن عليه وبناخذ عمرات كمان بازن الله مع الانفوجراف. ان شاء الله - 00:48:08

عشنا يا جماعة بقلوبنا في الحلقة بتاعة النهاردة مع تاني اعظم نعيم في الجنة بعد النزول وجه الله. وهو الحياة الاجتماعية في الجنة. عشنا يا جماعة مع بروميو عن الجنة بيوصف لنا - 00:48:28

مدى البدائع اللي في الجنة قلنا في الاول ليه الكلام عن الجنة بالطول ده في سورة الطور لان احنا في عام الحزن القلوب تعبانة فاحنا محتاجين الوقت ان احنا نسمع عن الجنة - 00:48:48

كتير عشان نصبر طب ليه الكلام عن الحياة الاجتماعية بالزارات في الجنة؟ لان احنا الوقتي معزولين عن المجتمع في عام الحزن بعد شعب ابي طالب. فاكثر فترة عزل فيها الصحابة عن المجتمع في اكتر فترة محتاجين ربنا يعني يربط قلوبهم بانكم هتاخدوا جو اجتماعي عزيز بسبب صبركم - 00:48:58

وسباتكم وعشنا يا جماعة مع زاهرتين مذهلتين في الآيات. اول زاهرة الحياة الاجتماعية المزهله. ان شوفي الزوج والزوجة في الجنة زوجناهم بحور عين مش هيحرملك من مراتك. اولادك مش هيحرملك منهم الحقنا بهم ذريتهم. اصحابك مش هيحرملك منهم متكتين على - 00:49:18

المصفوفة. الخدم مش هاحرملك منهم. معية الله امدناهم بفاكهه ولحم. ملايكة مش هاحرملك من صحبة الملائكة. كلوا اشربوا هنينا. يعني تخيلوا الجو الاجتماعي المزهله اللي لا يوجد واحد على الالاف منه في اعزم منتجع سياحي في العالم. الزاهرة المزهله الثانية

اللي في - 00:49:38

الحب المزهل بقى. الحب المزهل اللي ما بين الزوج والزوجة بحور من معاني الحور الميل. يعني ميل المشاعر. بتحبه قلبها ما يليش مش قادرة تشيل عينها من عليه. اقبل بعضهم على بعض. اولاده جايين بقلوب امدهنام بفاكهة ولحم مما يشتهون. ربنا - 00:49:58  
ادي له اللي بيحبه لانه بيحبه اصحابه بيحبوه ويتنازعون فيها كأسا. يبقى نفسه في الكأس اللي قدامه ويديها لاخوه. لانه بيحبه الخدم بتحبه يطوف عليهم غلمان الخدم رايحين جايين رايحين جايين باصناف النعيم. بعد كده يا جماعة شرحنا الايات بقى الحفلة الاجتماعية - 00:50:18

مزهلة اللي في الجنة اللي الايات بتتصورها. من اول فاكهين بما اتاهم ربهم. لما الصحبة اتلمت في قصر واحد منهم بدأوا يضحكوا مع بعض ويفتكروا نعيم الجنة اللي ربنا اداه لهم. والنجاة من عذاب النار. وبعد كده الملائكة دخلت كلوا واشربوا هنيئا. الملائكة - 00:50:38

دخلت تحفل معهم بالحفلة الجميلة ديت. وبعد كده مراته دخلت كل واحد زوجته دخلت عليه وزوجنام بحور عين. وقلنا ان الاختلاط في الجنة مش حرام لان ما فيش حد هيبيص لمرات حد ما فيش حد عنده شهوة غير لزوجته. ولا واحدة عندها شهوة غير لزوجها. والكل فرحان وسعيد. وبعد - 00:50:58

هنا ولاده دخلوا عليه الحقنا بهم ذريته. المنزr قاعد يكبر يكبر. وجو البهجة الاجتماعي في الحفلة الاجتماعية قاعد يكبر. وبعد كده كمان جه الخدم ودخل ويطوف عليهم غلمان. يعني منظر حفلة اجتماعية مذهبة في الجنة - 00:51:18  
فجم في الاخر سابوا النعيم وسابوا الحفلة وبدأوا يتتساءلوا اقبل بعضهم على بعض يتتسائلون. هو احنا خدنا كل ده ليه؟ قالوا وخدنا كل ده لان احنا كنا مشفقين خايفين على الناس من النار. خايفين على ولادنا وزوجاتنا من النار. خايفين على نفسنا من النار. وتحملنا مسؤوليتنا في اهلنا. ما سبناش - 00:51:38

وتخلينا عن مسئوليتنا باسم الدين لأ باسم الدين شلنا المسؤوليات فربنا من علينا مش بسبب عملنا ده منة من الله ووقانا عذاب ليه؟ انا كنا من قبل ندعوه. بسبب كلمة يا رب. دخلنا الجنة بسبب كلمة يا رب. بسبب ان احنا كنا مواظبين على الدعاء على طول - 00:51:58

على طول انه هو البر الرحيم. المرة الوحيدة اللي ذكر فيها اسم الله البر في القرآن كله ذكر من جوة الجنة. اهل الجنة لما شافوا ربنا مر وعودوا بهم قد ايه. وبر عبادتهم وبر دعائهم. وما اسقطش ولا دعوة لهم قد ايه. قالوا ربنا هو البر الرحيم - 00:52:18  
وقلنا يا جماعة معنى بديع في العلاقة بين ايات النار اللي شرحناها الحلقة اللي فاتت وايات الجنة اللي شرحناها الحلقة دي. ايات النار ما بتوصفش هل اهل النار جواها انما بتوصف الرحالة لهم وهم بيدعوا الى النار. وايات الجنة ما بتوصفش رحلة للجنة. انما بتوصفهم وهو قاعدين - 00:52:38

في حفلة جوة الجنة كان الاول ربنا فرج اهل الجنة على اهل النار وهم بيطردوا من على ابواب الجنة وبيطردوا لحد ما يوصلوا لجهنم وبعد كده دخلهم الجنة يتنعموا في الحفلات بتاعتتها. فكان ايات النار جزء من نعيم الجنة. جزء من المشاهد اللي - 00:52:58  
يتنعم بها اهل الجنة وهم بيسووفوا اللي عزيوهم في الدنيا. واللي انتهكوا حرمات الله في الدنيا واللي تجرأوا على الحق ومنعوا الدعاء الى الله في الدنيا بيحصل فيه ايه وبعد كده جت ايات الجنة جوة الجنة. كان بعد ما اهل النار دخلوا النار ربنا بيقول لهم احوال اهل الجنة ايه؟ فوصلنا الى شيء مبهر. وهو - 00:53:18

ان ايات النار في سورة الطور جزء من نعيم الجنة. وان ايات الجنة في سورة الطور جزء من عذاب النار. في ترتيب اعجازي بديع في هذه المعاني اللي لو قمنا الليل بها وعشنا معها قلبنا هيتملى ايمان. يا اخواني في الله. في نهاية الحلقة يا اخواني واحبابي واحلواني - 00:53:38

الكلمات الفاضلات يعني شفتم يا جماعة واحنا عايشين مع الجنة النهاردة شفتم يا جماعة ايات الجنة في سورة الطور بتتكلم عن عن الحياة الاجتماعية ليه؟ لأن سورة الطور نازلة في وقت غربة اجتماعية. ايات الجنة في سورة الذاريات بتتكلم عن الرزق وعطاءات

الله من الرزق لعباده اخذين ما اتاهم ربهم. لأن سورة الزناد - 00:53:58

ب Pettalk عن الرزق واذاي ان الانسان قلبه يتعلق بالله لوحده في الرزق. ايات الجنة في سورة القمر بتتكلم عن النظر لوجه الله في مقعد صدق عند ملك مقتدر لأن في شواهد ان سورة القمر نازلة في شعب ابي طالب. في وقت عزاب رهيب وحرمان وحصار. فربنا بيقول لهم اصبروا عشان تناولوا اعظم - 00:54:18

اعظم نعيم وهو النظر لوجه الله يعني لهم في فترة صعبة فلازم يرتبطوا بالروحانيات. ما يجيش هنا نعيم مادي يجي هنا نعيم روحاني عشان يقدروا يصبروا على الاذى المائي. الاذى المادي اللي هم فيه. ايات الجنة في سورة النبأ جت بقى كواكب اتراها وكأسا دهاقا. زوجة جسدها - 00:54:38

وكأس خمر مليانة. هو ايه نعيم مادي او اي كده ليه ؟ لأن سورة النبأ في اول المرحلة الجهرية. بنكلم شباب مكة اللي بيقع في الزنا وبيشرب خمر وبنقول لهم تعالوا لربنا. فالشباب هيقولوا احنا بنعمل معاصي. مش هنقدر نسيب المعاصي وننجي. فبنقول لهم الجنة فيها اجمل من اللي انت فيه ده - 00:54:58

بالزيط كده لما تعيدي جنب آولد بيبيص على بنت تقول له الجنة فيها اللي احلى منها. اهو كده عشان كده كل سورة النعيم بتاع الجنة اللي فيها مناسب مع موضوع السورة. ومتناسب مع زمن نزول السورة. وده من اروع انواع اعجاز القرآن. اعجاز التناسب والتناقص - 00:55:18

وان ما فيش ايات الجنة بتاعة سورة الطور ما ينفعش تيجي في الزريات. ايادي الجنة بتاعة الزريات ما ينفعش تيجي في القمر. ايات الجنة بتاعة القمر النعيم الروحاني لا يمكن - 00:55:38

ينفع تيجي بالمنزد ده في صورة النبأ ليه ؟ انما انا باكلم شاب بيتلزز بمتع مادية فباقول له المتع المادية اللي في الجنة. ايه الاعجاز ده! ايه الجمال ده ايه الروعة دي! كلام ربى كلام ربى. كلام الله يا جماعة. كلام ربى. كلام الله اللي نزل من فوق سبع سماوات عشان ينور لنا حياتنا. وينور - 00:55:48

هنا طريقنا الحمد لله على نعمة ان احنا قاعدين نفهم في كتابك يا رب وفي كلامك يا رب. زاكروا قموا الليل من اراد الطريق. الطريق الى قرآن فعليه بالفهم العميق زي الشرح اللي احنا بنقوله في التفسير عشان تروحوا تقرروا من تفاسير وفهموا والاتصال الوثيق - 00:56:08

تقوم الليل بصورة الطور وتعيشي معها. والقلب الرقيق ده دوام ذكر الله عشان قلوبنا ترق. عشان نعيش مع القرآن الكريم ونعيش مع هذ المعاني شدوا حيلكم يا جماعة مع ايات القرآن الكريم. ربنا يبارك فيكم. ربنا يحفظكم. ربنا يسددكم. ربنا يسألكم - 00:56:28  
سبحانك الله وبحمدك اشهد ان لا الله الا انت استغفرك واتوب اليك. مستنيين مدارساتكم على الصفحة الرسمية على النت. آآ مكتوب قدامكم الصفحة الرسمية للدكتور حازم شومان. مستنيين مدارساتكم يلا عشان نعمل حلقة المدارسة بقى بازن الله. في اقرب وقت ان شاء الله بازن الله. مستنيين مدارساتكم. المذكرات - 00:56:46

بتنزل زاكروا يا اخوانا يلا عشان امتحان القرآن غيرني في شهر رجب بازن الله سبحانه وتعالى. ربنا يبارك فيكم. ربنا يجعلنا من اهل القرآن مرة ثانية. سبحانك الله بيحبك اشهد ان لا الله الا انت استغفرك واتوب اليك وجزاكم الله خيرا - 00:57:06